



Dr. Armina Galijaš: Austrija ima ozbiljne namjere

BiH mora raditi da bi bila prihvaćenija

Građani/ke Austrije ne dijele mišljenje zvanične politike zemlje o proširenju EU iako i država i bh. dijaspora ulažu dosta truda kako bi promijenile mišljenje skeptika

Österreichische Gesellschaft für Europapolitik u maju je objavio rezultate online istraživanja javnog mnijenja koje pokazuje da nema većine za proširenje Evropske unije. Istraživanje, provedeno od 11. do 13. aprila na uzorku od 1.000 ispitanika/ca, pokazalo je i podijeljena mišljenja o proširenju Schengena.

Drugačiji stav

"Austrijanci su i dalje skeptični u pogledu daljeg proširenja EU - nijedna (potencijalna) zemlja kandidat trenutno ne može računati na većinsko odobrenje", navedeno je u objavi rezultata.

- Austrijske vlade su tradicionalno bile čvrste pristalice proširenja EU, posebno u pogledu pristupanja zemalja zapadnog Balkana. Međutim, građani/ke Austrije imaju - tradicionalno - prilično drugačiji stav, smatra Paul Schmidt, generalni sekretar ÖGfE-a.

Stav se dodatno može promijeniti tako da iz Bosne i Hercegovine dođu novi impulsi i dokazi za željom za ulazak u EU, smatra dr. Galijaš

Od zemalja zapadnog Balkana, Bosna i Hercegovina i dalje ima najveću stopu odobravanja među građanima/kama Austrije: 29 posto bi pozdravilo članstvo u EU, dok bi 41 posto to odbilo. Članstvo Srbije, Crne Gore, Albanije i Sjeverne Makedonije pozdravilo bi između 24 i 21 posto ispitanika/ca, a Kosova 16 posto.

U odnosu na anketu iz jula 2022, podrška pristupanju BiH Uniji uvećana je za 5 procentnih poena, a Srbije i Albanije za po 8. Schmidt je za AJB istakao da se generalno malo zna o zapadnom Balkanu, a istovremeno se područje veže sa slabijim ekonomskim razvojem i političkom i institucionalnom nestabilnošću. Često

se postavlja i pitanje pristupa fondovima nakon članstva, spremnosti EU, ali i izazova migracija. Što se tiče relativno pozitivnog rezultata prema našoj zemlji u odnosu na ostale zemlje regiona, Schmidt je napomenuo da u Austriji živi brojčano velika bh. dijaspora.

Dr. Armina Galijaš, docentica u Centru za studije jugoistočne Evrope Univerziteta u Grazu, smatra da je BiH dobila najveći postotak podrške, jer naši građani/ke u Austriji važe za najbolje integrisanu grupu.

- Procenat stanovnika/ca Austrije koji/e uzimaju austrijsko državljanstvo je također najviši kod građana/ki BiH. To, naravno, nije dobro za BiH, ali je još jedan od pokazatelja uspješne integracije, smatra dr. Galijaš i dodaje da su građani/ke koji/e dolaze iz BiH na mnogim važnim i vidljivim pozicijama, što poboljšava njihov imidž.

Podsjeća da zvanična austrijska politika nije protiv proširenja.

- Oni se čak trude da ubijede druge iz EU, npr. Francuze ili Nizozemce, koji su više skeptični, da ne odustaju od proširenja. Austrija je geografski, interesno i povijesno puno bliža regionu, te prema njemu ima i drugačiji odnos. Dokaz o želji za proširenjem je i Schallenbergov prijedlog za postepenu EU integraciju zemalja zapadnog Balkana. To ukazuje na ozbiljno bavljenje ovom temom, kaže dr. Galijaš.

Provođenje reformi

Mišljenja je da se stav građana/ki Austrije može promijeniti ukoliko se naša zemlja posveti provođenju reformi, demokratskom i otvorenom pristupu medijima i opoziciji. Važan je, kaže, i javni bunt građana protiv *captured state*, kao i želja za promjenom, ali i političke promjene u RS-u (odmak od forsiranog odnosa sa Rusijom).

- Niko ne želi dati nekome poput Dodika glas i pravo suodlučivanja o politici u EU. U RS-u ima dovoljno političkih snaga koje su kompatibilne sa vrijednostima koje zastupa EU. Austrija i bh. dijaspora rađe već dovoljno, zaključuje dr. Galijaš. **MATEA JERKOVIĆ**

Bahatim vozačima

Da su potrebne strožije kazne za nesavjesne vozače, svi se slažu, a jedan od prijedloga je i nagrađivanje onih koji zabilježe divljanje na cestama

Piše: **DŽENISA ZUKANČIĆ**

Kantonalni sud u Sarajevu odredio je mjeru jednomjesečnog pritvora Arminu Berberoviću, koji je u saobraćajnoj nesreći usmrtio doktoricu Azru Spahić. Sud je mjeru pritvora odredio zbog opasnosti da bi Berberović, koji je u trenutku nesreće bio u alkoholiziranom stanju i bez vozačke dozvole, mogao ponoviti isto ili slično djelo, te zbog uznemirenja javnosti.

Opasni vozači

Podsjećamo, vozeći u alkoholiziranom stanju i brzinom većom od dozvoljene, Berberović je vozilom udario i ubio 25-godišnju doktoricu

Spahić i povrijedio još dvije ženske osobe od 26 i 21 godinu. Nesreća se dogodila na Marijin-Dvoru, u centru Sarajeva.

Hiljade građana Sarajeva, poznanika i prijatelja mlade doktorice Spahić okupile su se u subotu na mjestu na kojem je stradala i odale počast životu koji je prerano ugašen. Vijest o njenoj smrti uznemirila je građane, podsjetila ih je na mnoge tragične saobraćajne nesreće koje su se dogodile.

Vlada KS-a saopštila je mjere koje je donijela na vanrednoj sjednici s ciljem dostizanja što veće sigurnosti u saobraćaju: Pojačan policijski

nadzor na raskrsnicama od 19 do 7 sati, pojačana kontrola i podrška u automobilima i presretačima koji registruju one koji prekorače brzinu da pomognu policijskim službenicima i kamerama, pokretanje procedure za smanjenje ograničenja brzine u naseljenim dijelovima Sarajeva...

Armin Kržalić, profesor sa Fakulteta za kriminalistiku, kriminologiju i sigurnosne studije UNSA, smatra da su ove mjere donesene ishitreno, bez konsultacije sa strukom.

- Neke od donesenih mjera su apsolutno neprihvatljive, jer ne ciljaju grupu koju bi trebale. Mogu dati



Povratnicima u činjenju krivičnih djela ograničenja ne znače ništa / SENAD GUBELIĆ

U Bihaću klanjana dženaza

Na mezarju Humci klanjana je dženaza Azri Spahić, koja je život izgubila zbog toga što našim ulicama gospodare oni koji za volan sjedaju bez dozvola i pijani

Na gradskom mezarju Humci u Bihaću jučer je klanjana dženaza mladoj doktorici Azri Spahić koju je u petak navečer u Sarajevu ubio pijani vozač bez vozačke dozvole. Cijela Bosna i Hercegovina se sa velikom tugom oprastala od nje, dok je porodici ipak bilo najteže.

Ponos zemlje

Njen brat Adnan Spahić oprostio se od Azre dirljivim riječima, koje je objavio na društvenim mrežama. - Nadam se da ovu bol niko nikad više neće doživjeti. Bila si jednostavno predobra za ovaj bolesni svijet. Vidimo se na nekom boljem mjestu, poručio je njen Adnan koji je još

kazao da je voli i da mu sestru iz srca niko nikad ne može uzeti.

Njeno stradanje bilo je povod brojnim porukama građana naše zemlje. Od vapaja da se preventivno utiče na vozače, da policija u saobraćaju radi bolji posao, da društvo prestane sa odgajanjem kabadahija... Mnogo se govorilo o tome koliko

Zauvijek ćemo je čuvati u našim mislima i srcima, poručili su sa Medicinskog fakulteta

su truda i odricanja porodica i mlada djevojka uložili u njeno obrazovanje, koliko rada je bilo na putu da postane doktorica i koliko štetu cijela zemlja ima što ona neće biti u prilici da liječi svoje sugrađane.

A bila je među najboljim studenticama i voljela je pomagati ljudima. - Azra je bila jedan od najboljih studenata Medicinskog fakulteta. Divna, plemenita duša sa Une, ponos ove zemlje i Fakulteta, zauvijek ćemo je čuvati u našim mislima i srcima, saopćili su sa Medicinskog fakulteta Univerziteta u Sarajevu, želeći porodici i prijateljima sabura u ovim teškim trenucima.

Muftija bihaćki, hafiz Mehmed efendija Kudić je, također, uputio